

續  
文  
獻  
通  
考

續文獻通考卷之七十一

皇明進士雲間王圻纂輯

節義考 孝子三

唐

張志寬蒲州安邑人居父喪哀毀過禮州閭稱之後爲里正忽詣縣稱母疾求歸令閭狀對曰母有疾志寬輒病是以知之令謂其妾繫於獄馳驗如言乃慰遣之母終負土成墳手植松栢高祖遣使者就吊拜員外散騎常侍賜段物四十旌表其閭

房玄齡臨淄人父病歷十旬玄齡盡心藥膳未嘗解衣交睫父終勺飲不入口者五日

薛萬備燉煌人爲通事舍人初丁母艱截髮以充歛及孝廬於墓次負土成墳太祖聞而嘉之降璽書吊慰

王君操即墨人父隋末爲鄉人李君則所殺亡命去時君操尚幼至貞觀時朝世更易而君操憂孤仇家無所憚詣州自言君操密挾刃殺之剔其心肝噉之立盡趨告刺史曰父死兇手歷三十年不克報乃今洩憤願歸死太宗貸之

王少玄博州聊城人父死亂兵遺腹生少玄甫十歲詢父所在母告以故即哀求尸時白骨遍野少玄鑿膚血漬齧果獲之創病彌年貞觀中事聞拜王府叅軍

許坦豫州人年十歲隨父入山採藥父爲獸所噬即號叫

以杖擊之獸遂奔走父得全太宗聞之謂侍臣曰坦雖  
幼童遂能致命救親至孝自裴深可嘉尚授文林郎賜  
物五十段

黃桓邵武人母喪廬墓三年芝二本生墓側邑素無鶴時  
有鶴來巢于墓貞觀中旌表門閭

任敬臣字希古棣州人五歲喪母哀毀天至七歲問父英  
曰若何可以報母英曰顯親揚名可也遂立志從學後  
舉孝廉授著作局正字父亡數隕絕繼母曰而不勝喪  
謂孝可乎乃稍進餼粥後官至弘文館學士

沈季詮字子平豫章人少孤事母孝貞觀中從母渡江母  
溺焉季詮號咷投水救母食頃持母臂出與詮俱死矣

都督府謝叔方遣人具禮祭而葬之

張無擇慈谿人高宗時官至中散大夫遷和州刺史性篤孝父死七日絕漿三年不櫛廬墓有醴泉芝草之瑞今有孝子祠在邑之西南春秋祭奠以後裔之孝者張福記享

支叔才定州人生有至性隋末荒饑丐食野中將進母爲賊所執欲殺之告以情賊憫其孝爲解縛母病癰叔才吮瘡注藥及亡廬墓白鵲止廬傍高宗時表異其家

銅鞮知壽同官人求徽中父爲族人所害知壽與弟知爽候諸途殺之爭自首罪以弟首謀乃論死臨刑曰仇已報死不恨知壽投身委頓身無完膚舐知爽血盡乃已

見者傷之

程袁師宋州人母病十旬不視藥不嘗不進代弟戍洛州母終聞訃日走二百里因負土築墳常有白狼黃蛇馴墓左每哭群鳥鳴翔永徽中授儒林郎旌之

武弘度士韞之兄子也永徽中父卒于徐州聞喪截髮徒跣奔赴廬墓側負土爲墳晨夕哀號悲感行路廬前樹生素芝方圓一尺又有野狸每至弘度齋時必來求食帝聞之下詔褒美旌表之

趙師舉絳州人父爲人殺師舉幼母改嫁仇家不疑師舉長爲人傭夜讀書父之手殺仇人詣官自陳高宗原其罪

裴敬彞聞喜人父智周暴卒敬彞時在長安忽泣涕不食  
謂所親曰大人每有病吾即不安今日心痛手足皆廢  
事在不測遂請急倍道歸果聞父喪羸毀踰禮事母復  
以孝聞高宗軋封中累轉監察御史時母病有醫人許  
仁則足疾不能乘馬敬彞每自輿之以候母旣居喪哀  
慟毀瘠詔贈纁帛官爲作靈輿

陳元慶下邳人父爽爲縣尉趙師韞所殺元慶變姓名爲  
驛家保乘間殺師韞詣官自首武后欲宥之陳子昂請  
伏辜而旌之

宋思禮字過庭事繼母徐以孝聞補蕭山主簿會大旱井  
池涸母羸疾非泉水不適口思禮憂懼且禱忽有泉出

於庭味甘寒日不乏汲縣尉柳冕爲刻石題其事  
元讓武功人擢明經以母病不肯調侍膳不出閭數十年  
母終廬墓坎廢擲沐飯菜飲水咸亨中太子監國下令  
表其門永淳初巡察使表讓孝弟

陳集原隴州開陽人世爲酋長父龍樹爲欽州刺史嘗有  
疾集原輒不食及亡嘔血數升即塋作廬盡以田貲讓  
兄弟武后時歷右豹韜衛大將軍

李迥秀字茂之母少賤妻嘗冒膳婢母聞不樂即出其妻  
後所居堂產芝犬乳隣猫中宗以爲孝感旌表門閭  
王友貞瑯琊人弱冠母病篤醫云惟噉人肉乃差友貞獨  
念無求理乃割股肉以貽親病尋愈貞亦無苦則天聞



而奇之命就其家驗問特蒙旌表

狄仁傑字懷英并州太原人授并州法曹叅軍親在河陽  
仁傑登太行山反顧見白雲孤飛謂左右曰吾親舍其  
下瞻望久之雲移乃去

崔玄暉博陵安平人少舉明經爲高陵主簿居父喪盡禮  
有燕更巢共乳母盧氏有賢操常戒訓玄暉辭語切至  
玄暉遵奉教戒以清謹見稱母亡哀毀甘露降庭楹

潘晃廣德人事親孝嘗役京師夢神告曰汝父病篤晃驚  
還宿于道神復曰父病已愈矣歸果如夢人以爲孝感  
及父卒廬墓有芝草之異玄宗時旌其門授廣德令

梁文貞閔鄉人少從軍守邊速還親已亡自傷不得養即

穿墳爲門晨夕汎掃廬墓左喑默三十年家人有所問  
畫文以對會官改新道出墓前行旅見之皆爲流涕有  
甘露降塋木白兔馴擾縣令刻石紀之開元中刺史許  
景先表貞孝絕倫類詔付史館

沈景筠烏程人性至孝母懼雷及卒葬宅西每雷鳴則奔  
墓所號哭云某在此賀知章爲作孝德傳

鄭潛曜棗陽人母代國長公主開元中主寢疾潛曜侍左  
右造次不去累三月不洗面主疾劇潛曜乃刺血爲書  
請諸神丐以身代火其書而神許二字獨不化翼日主  
愈戒左右無敢言

榮壁河南濟源人開元二十四年河南尹崔尹甫奏壁割

骨肉以瘵母疾及刺項血寫佛經母疾以瘵請宣付史館從之

元德秀字紫芝河南人少孤事母孝舉進士不忍去左右母亡廬于墓側食不塩酪卧不茵席服除禭魯山令

顏真卿臨沂人顏子之裔事親以孝聞

許法慎滄州清池人甫三歲母病輒不飲乳惓惓有憂色或以珍餌說悅之輒不食還以進母後親喪常廬于塋有甘露嘉禾靈芝木連理白兔之祥玄宗天寶中表異其門

張璠張琇河東解人父審素官雋州都督被誣爲監察御史楊汪所殺琇與璠尚幼徙嶺南久之逃還汪更名萬

頃璵時年十三琇少二歲夜伺萬頃于魏王池璵斫其馬萬頃驚不及聞爲琇所殺張九齡議當貸死裴耀卿執不可長卒殺之臨刑賜食璵不能進琇怡然曰下見先人復何恨人莫不憫之

計伯會越州蕭山人舉孝廉肅宗上元中爲衡陽博士母喪負土成墳不御絮帛不甘滋味野火將逮坐樹悲號於天俄而雨至火滅歲旱泉湧廬前芝草屢生

高郢字公楚衛州人九歲能屬文父伯祥爲奸時尉安祿山反將殺之郢尚幼解衣請代賊義并釋之寶應初舉進士官至同平章事以右僕射致仕

李貞古南鄭縣人肅宗寶應元年梁州刺史臧希讓上言

貞古孝行彰聞請付所司旌表從之初貞古六歲而孤  
母欲改嫁貞古兩泣留之母遂守志母未食寢貞古不  
食寢及母亡負土成墳廬于墓側有白鼠見於墓門猛  
虎馴於廬前

賈直言父道中以伎術得罪貶之賜酖於路直言令其父  
拜四方辭上下神祇伺使者視稍息即取其酖以飲遂  
迷仆而死明日酖洩於足而後復蘇代宗聞之減父死  
直言亦自此病斃

王讚諦梓潼人少喪親培土成墳二十年不脫衰麻黜陟  
使常禎奏劍南孝子十六人讚諦爲首

何起門建德人父死廬於墓大層中刺史肅定以狀聞表

# 其門

徐仲源望江人性至孝母疾刲股爲羹以食邑宰以事聞德宗敕名所居里曰昭賢鄉曰孝感後母卒葬宅東南隅母性畏雷凡遇雷震輒伏墓曰仲源在斯仲源在斯郡守復上其事再命築孝義塚賜白華軒以彰之

趙翺安州人徙居天水母沒廬墓刺血以爲佛書及父沒益毀瘠後翺死子光遠毀瘠如其父詔表門閭

楊炎鳳翔天興人父喪廬墓號慕不絕有紫芝白雀之祥詔表其閭炎三世以孝聞門楹六闕

劉常建陽人父喪廬墓七年有芝兩莖生廬前建中元年詔旌其門賜粟帛改其里曰忠孝

林攢字會道莆田人貞元間仕爲福唐尉母亡水漿不  
口者五日旣葬廬墓右有白鳥甘露之祥觀察使遣官  
屬驗實會露晞里人失色攢哭曰天所降露禍我耶俄  
而露復集鳥亦回詔旌表其墓隧門閭復蠲其家徭役  
董召南安豐人讀書苦學事親以孝聞韓愈作董生行以  
送之有云嗟哉董生孝且慈人不識惟有天翁知

魯季文清江人貞元間廬父母墓每思江水遠不可汲忽  
一虎于廬側跑地得泉人以爲孝感所致

章成緬於潛人喪母廬墓烏鵲來巢麋鹿共處貞元中表  
其門人以章孝子稱之

費冠卿元和初登第聞母病草馳歸而母已卒號泣蹕踊

絕而復蘇遂廬墓終喪哭不輟聲召拜左拾遺嘆曰干祿養親耳得祿而親沒何以祿爲堅不起

吳悉達河東聞喜人父母爲人所殺四時號慕悲感鄉隣及長報仇避地永安昆弟同居四十餘載閨門和睦刺史以悉達兄弟行著鄉閭表贈其父渤海太守悉達欲改葬亡失墓所號泣推尋晝夜不止哀禱于神方出行所履之地忽陷得父銘記因遷葬魯祖以下九喪哀感毀悴有過初喪有司奏聞表閭後役以彰孝義

杜羔洹水人貞元初舉進士父任河北尉而卒母經兵亂不知所之羔遍求不獲後隨從兄兼仕澤潞判官羔鞠獄于庭羔在側有一嫗熟視羔曰此少年貌類吾夫



之即羔母也遂迎歸又訪父墓所在邑中父老無知乃  
舘佛寺中日夜悲號忽于柱上見字数行拂視之乃父  
遺跡云吾子孫若求吾墓當于某村問之羔哭而往果  
得父墓元和中仕至工部尚書

萬敬儒廬州人三世同居喪親廬墓刺血寫浮屠書斷手  
二指輒復生州改所居曰成孝鄉曰廣孝聚大中時表  
其家

王博武許州人會昌中侍母至廣州及沙涌口暴風母溺  
死博武號泣赴水救之亦死嶺南節度使廬貞偁吏沈  
呂訪獲二尸葬之表其墓曰孝子塚詔爲刻石

廖洪萬載人家貧養親至孝二親亡捧土成塋結廬于側

哀慟不絕有青蛇白獸之異咸通中詔加旌表

朱寶積廬州人自喪親後廬於墓側遂至逾年竟以毀卒

陳圯鎮州彭城人居父喪哀毀廬于墓側不掩墓門

張士巖汴州人父病藥湏鯉魚冬月冰合有獺啣魚至前  
得以供父父遂愈母病癰士巖吮血父亡廬墓有虎狼  
依之

焦懷肅益州人母病每嘗其唾若味異輒悲號幾絕母終  
水漿不入口五日負土成墳廬守日一食杖然後起繼  
母沒亦如之

張進昭巢縣人母患狐刺左手墮而終及殯進昭截左腕  
廬于墓

尹嗣宗性至孝親沒居喪踰禮子悻侍養彌篤嗣宗卒廬墓產紫芝孫恭先曾孫仁恕皆有孝行被旌表世稱其

一門四孝

張阿九趙言俱京兆人阿九母病割股肉餽之疾遂愈言亦割股養母事聞朝廷嘉之賜阿九及言物五十段以旌表其孝行

張常浦字巨川句容人天性純孝父沒廬墓三年廬側產瑞芝十二莖太守裴旌其閭姪孫公璉亦以孝聞時人謂張氏孝傳三世云

丁公著字平子吳人舉明經高第授校書郎父喪負土作塚詔賜粟帛旌其孝

馮猛邠州新平縣人居喪以孝聞慶雲見冬杏結實詔有司旌表其門

許利川爲睦州司士叅軍居母喪以孝聞有芝草八莖及連理樹一株產於廬墓詔旌表其門

樊濟邛州依政縣人居父喪負土成墳廬于墓側有兔鴿馴擾木連理慈竹自生詔表其門閭

張球信州弋陽人父歿五年廬於墓側哀毀過禮墓門墁上生芝草七莖有鵲巢於墓之藜竹詔旌表其門

尹務滎陽彭城人喪親廬於墓側有芝草之祥詔旌表其門

應光東郡人父亡廬於墓側生芝草連理樹詔旌表其門

常弘宗京兆人歿父母廬墓次廬前生芝草七十餘莖見者以爲孝感詔免其課

竇群扶風人母卒啗一指置棺中因廬墓次

路敬淳具州臨清人遭喪三年不出廬寢服竟方號慟入見其妻形容羸毀妻不識也

許康佐登進士第以家貧母老爲知院官人或輕怪笑而木簪及母亡服除不就府辟

盧操字安節河東人事繼母張氏至孝張生三子溺愛之嘗命操主炊爲三弟設席及遺讀書命操策驢隨之操即執鞭如僮僕三弟嗜酒縱逸抵忤於人詬及其母操涕泣拜解繼母亡操訓養三弟恩愛過於平日服母喪

哀毀骨立每夕有狐狸羅列左右將旦乃去時人以爲  
孝感

李興安豐人父死捧土成墳廬於墓左扶服頻踊晝夜哭  
訴廬上產紫白芝醴泉湧出人以為孝感柳宗元作孝  
行銘

吳奉廣陵人性至孝太守張載舉爲孝廉

何澄粹青陽人性至孝母沒哭墓哀毀而卒時稱孝子

劉師貞字文通彭城人早失母及長不記容狀至忌辰終  
日涕泣未嘗寢食忽夢見其狀曰我爾母也爾孝通神  
明故我得見夢於爾師貞乃作偶人像以事之朝夕起  
居反告如常每新物必先薦然後食父福年老患目凡

飲食非師貞親調則不能食兄有疾經旬不差師貞衣不解帶夢神人曰若兄苦風取胡王使者酒清服愈師貞求之藥肆莫能曉因夢其母曰胡王使者羌活也覺而求之兄疾遂愈後父沒居喪有雙白雀飛宿戶間除几筵之日對師貞悲鳴狀若躑躅久之乃去

朱仁軌字德容永城人隱居養親親歿哀毀過禮有赤烏白鵲棲其庭楸觀察使趙承恩表其異弟故則好學重氣節與三從昆弟居四十餘年貲產無異

李孝子者霍王元軌孽子也年十一母獲罪于父被逐孝子隨母別居母病思食肉嘆無酬直因割股充膳

梁悅富平人父爲秦果所殺悅殺果詣縣請罪憲宗詔流

循州

唐海巢人母喪廬墓手自耕植以脩祠祭田產嘉禾一本  
五六穗

孫旣莒州人少孤母亡執喪哀毀廬墓側髮理面垢彫瘵  
骨立有泉湧于墓所里人名曰孝源泉

吳海邵武人母喪廬墓十三年墓側產芝二十莖

侯知道靈州靈武人居親喪作塚作壙皆身執其勞鄉人  
助者即哭而却之廬墓次哭泣無節七年不止垢塵積  
首率夜半撫墳踊而哭鳥獸爲悲號時邑人程俱羅孝  
行不異知道李華作二孝贊以表之

陳太竭浦江人武曷之子二親併亡即墓手藝松栢終身



衰麻哀哭弗輟每奠果殺鳥鳥不啄

賈會京兆華原人親亡負土成墳廬其左手蒔松栢時號  
閔中曾子旣卒縣人私謚曰廣孝徵君

袁鳴忠州臨江縣人居喪廬于墓側啣哀發聲猛獸咆哮  
而至旣見搖尾有仁心當哭必來旣哭而去

郭景華蜀郡人孝行過人父亡景華晝夜啼泣喪明宅中  
忽湧甘泉因以洗目明漸復

按唐時陳藏器著本草拾遺謂人肉治羸疾自是民間  
以父母疾多割股而進甚至剖肝剖心不顧滅性者然  
而親疾徃徃痊愈果人肉之功歟抑精誠所格獲冥佑  
歟

奉天趙正言

滑縣清泌

羽林飛騎諱榮祿

鄭縣吳孝友

華陰尹義華

潞州張光玘

解縣南鍛

河東李忠孝韓放

鄆陵任客奴

絳縣張子英

平原楊仙朝樂工段日昇

河東將陳涉

襄陽馮子誠

固雍孫入

虞鄉張抱玉

滑縣英秀

榆次馮秀誠

封丘楊暉珪劉皓

清池李庭玉弟庭金

繁昌朱濟

歙縣黃芮

左千牛薛鋒

河陽劉士約

以上皆以刲股旌表門閭名在國史雖其居喪廬墓至  
行事實未詳然亦因地著名于右庶足垂不朽云

萬年王世良

長安嚴侍封

涇陽田伯明

華原韓難陀

華州王曇雲

下邳張萬微

鄭縣辛法汪郭士舉郭士度鄭迪柳仁忠熊君德劉崇甘  
元爽韓子尚韓思約

朝邑申屠思恭呂昂

鵠觚張元亮

靈臺孫智和

宜川司馬芬

洛交周崇俊

洛川何善宜

冀州燕遺債

滄州鄭士才

清池孫楚信劉賢

渤海邊鳳與

瀛州朱寶積

樂陵蘇伏念

具州馬衡

邯鄲章徵

鷄澤馮仁海郭守素

文安董相

沙河趙君惠

南樂谷感德

武邑王達多張丘感張藝卽孫思才張義節

魏縣毛仁

武城茹智達

歷亭王師威李肆仁

臨河李文綢

湯陰后斤奴

彭城彭思義陳岷田提岳

太原憲遺仁王知道

蒲州賈孝才

解縣衛玄表

南岳張利見

安邑曹文行孫懷應相里志降楊王操邵玄同張衡曹存  
勲李文褒董文海李文秀張仙兒張公憲

虞鄉董敬直

河東張金城呂神通呂雲呂志挺呂元光趙舉張祐姚熾  
張師德馮巨源杜山藏

河西郭文政

伊闕任仲

陳留家師諒董允恭

尉氏楊思貞

中牟潘良瑗暨子季通

陽武時惠珣

封丘楊嵩珪

許田李熙道

卽山胡君才

胙城蔡洪石善雄暨孫彥威

徐州皇甫恒

荊州劉寶

長壽史搏

益州郭景華

鄭縣曹少微

涪城趙裡

資陽

梓潼馬冬王秦舉王興嗣依政樊澹

巴西常士宗文

博榮暨子詮

南鄭李貞古

南陵蘇仲方

鄱陽張讚

樂平謝惟勤沈晉姜峇

上饒鮑嘉福虞鎔真

戈陽張球李管暨子凝孫楚

貴溪黃舟

建昌熊士贍

臨江袁鳴

贛縣謝俊

餘杭何公升方宗

桐廬祝希進

諸暨張萬和

蕭山李渭許伯會戴恭俞僅

信安徐知新徐惠謹

東陽應先唐君祐

建陽劉常

邵武黃亘張巨錢吳海

泉山黃嘉猷

永泰王爽

以上皆事親居喪著至行者雖無事蹟可紀而志秉所載不敢逸也

後梁王去奢趙州軍人疾漸篤其子三人纘繹各爭割已肉以供其父纘割左股繼割右股繹割左右股去奢食之病遂驟愈太祖嘉其孝行令本道給醫藥賜以帛

後唐

韓德潞州屯留人同光中母死割乳以祭廬於墓側累年種瓜合歡同帝詔旌表之

張建立滄州乾符人割股以治母病母卒割心瀝血以祭辮髮跣足廬於墓所三十年

後晉

李澤濮州人刻木爲父割股乳奠祭廬墓持服

宗修已濟州金鄉人父母亡葬送後辮髮跣足日一食截指祭奠廬於墓所

北漢

王殷大名人事母以孝聞欲與人遊必先白母母所不可



者即不敢往爲刺史政有小失母輒責殷殷即以杖授婢笞于母前母亡哀毀如不欲生

孟熙敗果實養親承顏順志不憚苦辛其父常云我雖貧養一曾參及父亡絕漿哀號幾至滅性布苦於地寢處其上三年不食鹽酪遠近嘆服因見鼠掘地得黃金數斤遂巨富焉

後周

柳敏河東解人九歲而孤事母以孝聞遭母憂居喪旬日之間鬢髮半白毀瘠過禮杖而後起太祖見而異之特加廩賜

張藏英范陽人父母爲賊孫居道所殺後逢居道于幽州

市引佩刀刺之不死爲吏所執節帥趙德鈞壯之釋不  
問居道避于關南藏英求爲關南都巡檢使至則微服  
携鉢過伏居道舍伺其出擊之仆于地啣其耳噉之遂  
擒歸設父母位陳酒殺縛居道于前號泣鞭之齧其肉  
經三日剗其心以死即請官首服官爲上請而釋之燕  
薊間目爲報仇張孝子

宋

劉孝思太原人母病經三年孝思割股肉斷左乳以食之  
母病心痛又燃火掌中代母受痛母尋愈及母卒爲傭  
富家得錢以葬富家養爲已子後養父兩目失明孝思  
舐之復能視太祖親征太原召見慰諭

羅居通成都人親喪廬墓感甘露芝草之瑞開寶中授廷  
長主簿

李璘河間人晉末有陳友者乘亂殺璘父及家屬三人軋  
德初璘隸殿前散祗候友爲軍小校相遇於京師寶積  
坊側璘手殺友而不遁自言復父仇太祖壯而釋之

常真項城人父母死廬墓終喪不茹葷開寶間兩詔旌其  
間真妻病子晏割股肉以療疾及死次子守規徒跣日  
一食廬墓三年太平興國中詔旌表之

甄婆兒京兆鄠縣民母劉與同里人董知政忿競知政擊  
殺劉氏婆兒始十歲妹方襁褓託鄰人張氏乳養婆兒  
避仇徙居後稍長大悲泣曰大讐不報何以生爲時方

寒食具酒敍詣母墳慟哭歸取桑條斧置袖中往見知政知政方與小兒戲婆兒以斧砍其腦殺之太宗嘉其能復母仇特貸焉

郭琮台州黃巖人至性孝悌少喪父常有罔極之嘆事母張氏極恭順飲食必萃珍異凡母之所欲必親以奉之或經家人之手則憂形於色絕飲酒茹葷者三十年以析母壽母年一百四歲耳目不衰飲食不減鄉黨異之太宗至道三年同里狀其孝行詔旌門闕役黃巖之人感其行善事父母者極多

陳侃字君和永泰人事親以孝聞親有疾省膳嘗藥夜不解衣執喪盡禮五世同居家無異爨至道二年郡守何

蒙上其事太宗嘉之詔旌門曰孝門賜母李氏粟帛

祈神留深州陸澤人父超逋官租里胥督租與超聞超敗里胥死神留年十六詣吏求代父死州以聞特詔減死賜里胥家萬錢爲棺殮具

王翰南宮人淳化中母喪明翰自抉右目睛補之母目復明詔賜粟帛

沈正泰州海陵人父爲屯田院衙官凶暴無賴使酒毆平人死正中途偶見父恐述其故正即號呼褫衣就毆其屍警巡者捕逮怡然就戮聞者悲之

白昇萊州人性孝父權失明昇剖腹探肝和藥以進父服之復能視昇亦不死淳化中詔賜粟帛

王光濟廬州人喪母刻像奉莫如平生孝道純篤真宗咸平中旌表

易延慶鈞州上高人父喪廬墓致紫芝玉芝之祥以母嗜栗墓側樹二栗後成連理蘇易簡等爲詩贊美

侯義楚丘人貧無產傭身事母咸平中母卒義力自辦葬晝則負土築墳夜則慟哭墓側妻子困匱不給田主曹氏資以餼糧踰年墳間瓜異蒂同實木連理又有巨蛇繞其側野鴿飛而不去嘗遇盜劫其衣服旣而知是義物悉還之

董道明蔡州褒信人葬母空墳旁潛匿其中經三日家人知而發取之尚無恙乃終身廬墓側

成象渠州流江人父母被賊李順驚悸而死廬于墓側以  
衰服襟飾土墳上日三斗虎豹環廬而卧無畏色燕百  
餘集廬中禾生墳側吐九穗知禮者爲書論之遂歸教  
授號成孝子

龐天祐江陵人性至孝父疾割股以愈之父卒後結廬其  
側晝夜哭不絕聲知府陳堯咨上其事旌之

陳思道江陰人鬻醢爲業母病衣不解帶雙目瘡爛母夜  
水漿不入口七日後結廬墳側拒妻子不與見夏時種  
瓜以待過客晝則白兔馴狎夜則虎豹衛廬而卧咸平  
三年旌

劉斌定州人父加友爲從弟志元所殺斌兄弟皆幼隨母

改適母嘗戒之曰汝等長必復父讐景德中弼兄弟挾  
刃伺志元于道刺之不死即詣吏自陳州具獄上詔志  
元黥面配隸汝州釋弼等罪

李誥字仲詢新喻人幼有至性父文捷出其母誥日夜號  
泣食不入口父憐之而還其母遂以孝聞真宗顧左右  
曰是能安其親者權第三人除大理評事

王文義大寧人景德中母疾篤刲股進藥疾愈後母卒廬  
墓鄉人憫其貧日給之食墳去水遠無以資洗滌祭奠  
器用感夢得泉人稱孝感泉

畢士安字仁叟代州雲中人事繼母以孝聞

丁雋新喻人事父母至孝大中祥符間旌其門



周善敏益州雙流人喪父廬墓又割股愈母疾大中祥符  
年旌表

李祚徐州豐人喪親廬墓二十七年大中祥符年旌表  
黃德興資州人葬親負土成墳甘泉湧出大中祥符間旌  
何保之梓州通泉人舉進士親卒負土成墳廬于側有祥  
鳥飛集哀鳴不去又有鬼馴于坐隅祥符中旌

李玘宗城人力耕事母母卒讓田與弟廬于墓側天禧中  
郡守張智以狀聞詔賜粟帛

盧世豪贛州人仁宗天聖中母歿廬墓廬中泉湧一虎爲  
守視有巨蛇入墳俄震死縣令陳廷揭其事于石  
范廷召素強人父鐸爲里中惡少所害召手刃父仇割取

其心以祭父墓

鄒長孺字齊賢泰寧人仁宗時與太學試居上第聞父喪哀毀過禮既葬廬墓芝生塚上

鄧中和開封長垣人慶曆中親喪廬墓負土累墳高三丈張揆歷城人父蘊病刲股療之舉進士慶曆中知益都江白建昌南城人爲鄆尉父卒負土成墳廬其側晝夜號泣終制猶然轉運使以狀聞賜粟帛醪酒

李訪韶州人業進士廬親墓側虎傷旁人而不近訪又有白鳥集墓上

趙林字閑道衢州西安人母卒廬墓三年縣榜其里曰孝子嘗夢父母曰汝至孝孝子不匱永錫爾類天必相汝

及子岷執父喪而甘露降未幾卒于雲又以哀毀死人  
稱其世孝

范仲淹字希文平江人性至孝幼隨母適長山朱氏後貴  
迎其母歸養

孫唐卿字希元青州人仁宗時登進士判汝州未幾丁父  
憂毀瘠嘔血卒詔贈其家

曹矩休寧人登景祐進士以純孝聞其任都官日父汝翔  
贈殿中丞燦黃之夕芝產塋上郡上其事詔以所居爲  
忠孝鄉孝芝里孫央死于方臘之難時稱忠孝曹家  
母印安丘人善事父母父卒葬邑西郊朝夕哭奠風雨不  
輟妻馬氏從哭焚香于臂母卒亦如之邑令馬驥以事

聞進士周元賓銘其墓碑刻尚存

朱道誠全州人母卒廬墓冬筭生瑞竹履其墓詔賜緡米  
號朱孝子其子揚善孝亦如之至和中旌

蘇頌字子容泉州南安人嘗知婺州方汴桐廬江水暴汎  
舟幾覆溺頌以母在舟哀號赴水挽舟舟忽自正甫及  
岸奉母先登舟乃履衆以爲純孝所致

林正華字君輔福清人至和中入太學後棄歸養母母卒  
水漿不入口者累日卜葬于湧泉山鑿石營壙手舐足  
胼不少暇旣葬廬于墓寢苦枕塊哀慕不已俄而祥雲  
滿甘露降烏鳥翔集虎豹遁藏鄉人白于官旌之正華  
安之六代孫也安母死廬墓旁石湧泉閩主異之以其

廬爲湧泉寺故世稱湧泉大小孝子

申積中成都人樵樵中楊繪求爲子及長知非楊氏而口  
絕不言年十九登進士事所養父母盡孝終身有二弟  
一妹爲畢婚娶始歸本族復姓申氏人以純孝稱之  
毛安輿洪雅人九歲父喪負土成墳廬其側三年知益州  
張方平聞之遺以酒餼狀其事以聞

胡淵字澤之崇安人熙寧初以親老家貧授學江浙母歲  
終度父母所湏力能致者盡市歸以獻後以母疾不復  
遠遊即里閭教生徒晨夕歸省每諸生餽食有甘腴必  
持歸以佐母膳母憐其誠爲之強進食

陳道周湘潭人少孤家貧奉母至孝母沒廬墓自陶碑曰

成五枚歷四年鬻墓高三丈墓成而道周繼亡從葬母傍鄉人立碑表之

黃庭堅字魯直分寧人性資至孝奉母安康郡君每夕親爲滌溺器未嘗頃刻不供于職故史傳稱其孝友之行追配古人

朱壽昌字唐叔揚州天長人初壽昌生七歲父守雍出其母劉氏嫁民間母子不相知者五十年壽昌行四方求之不已飲食罕御酒肉與人言輒流涕熙寧初棄官入秦與家人訣誓不見母不復還行次同州得焉時母年七十餘歲雍守錢明逸以事聞詔壽昌還就官

李肅之郵城人廸從子也母喪廬墓撫幼孤弟承之成立

神宗稱其一門忠孝

錢褒晉江人性純孝母喪負土成墳結廬居山葷腥不入  
口形容毀瘠終制方還嘗著志孝六篇州繳以進熙寧  
中郡守兩聞于朝乞召試擢用

彭瑜安福人熙寧間失其母每旦焚香額天願知母所在  
一日人告在泰和爲倪氏婦遂市婦人首飾造門須臾  
母果出遂爲母子如初倪卒瑜迎歸養

沈宣梁縣人母亡旣葬不塞墓門三年晝負土夜附棺而  
卧爲墳廣百尺妻高氏亦有孝行元豐中褒賜粟帛

郝戴石州定胡人貧時人或貸以錢者留五六年不用復  
還之舉進士爲通山令年未五十以父樵老不第請致

仕爲父求官執政諭使赴官可推恩于是留妻子獨奉父行踰歲竟謝事未至鄉而樵卒自畚土造墳人有助者隨撤之服除詔賜粟帛司馬光爲銘其墓

鄧宗吉簡州安陽人父卒培土爲墳廬其側甘露降焉號鄧孝子

趙君錫洛陽人性至孝母亡事父良規不離左右夜則寢于旁九衾稠薄厚衣服寒溫藥石精粗飲食旨否櫛髮剪爪整冠結帶如內則所載者無不親之哲宗時登進士第以親故不願仕良規每出必扶掖上下

司馬康字公休夏縣人溫國文正公光之子也事親至孝丁母憂勺飲不入口者三日哀毀骨立光薨喪祭皆用



禮經家法居廬蔬食寢于地遂得腹疾竟以是卒贈右  
諫議大夫

仰忻字天祝永嘉人年五十餘執母喪盡孝躬自負土廬  
於墓側有慈烏白竹之瑞紹聖中郡守楊蟠表其里  
艾君瑜末豐人性至孝母疾革刲股和藥以進病果愈母  
喪廬于墓側崇寧中郡守以聞詔復其家

劉詵福清人崇寧中歷官太常居母喪盡禮有芝產墓側  
陳天隱蘭谿人端重好學事母以至孝聞大觀初詔以孝  
弟睦姻任卹忠和八字旌其門

趙文澤麗水人六歲喪父廬墓有群鼠嚙花白鶴來巢之  
異郡表于朝大觀初詔賜帛五十匹

李華溧陽人父歿居喪毀瘠盡哀母疾華衣不解帶者十餘年有田十餘頃穀貴平價食其一方大觀政和間蝗數害稼不食其田

徐積字仲車楚州山陽人孝行天稟三歲喪父求之甚哀使讀孝經輒淚落不能止事母至孝朝夕冠帶定省應舉入都不忍捨其親徒載而西以父名石終身不用石器行遇石則避而不踐母亡水漿不入口者七日悲慟嘔血廬墓三年卧苦塊衰經不去體雪夜伏墓側哭不絕聲旣終喪不徹筵几起居饋獻如平生州以孝聞詔賜果帛皇祐初近臣僉言積之賢宜在所表乃以楊州司戶參軍爲楚州教授使者交薦累改宣德郎監中嶽

廟政和六年賜諡節孝處士官其一子

毛溥吉水人父嬰疾嘗藥而後進兩目盡瘡父卒未踰月  
母繼亡溥哀號慟絕水漿不入口以哀毀卒弟洵連中  
進士拔萃科九守四官再以親疾辭位父母繼亡親持  
鍾荷土以爲殯手舂面黔親友不識廬墓凡二十一月  
朝夕哭踊食脫粟飯抱疾歸數日卒詔贈帛五十匹米  
五十斛

李壽李衡吉水人同乳兄弟也幼而孤每以不逮事親爲  
恨政和中改葬母于楊山負土成墳廬于墓左未幾廬  
所產木一本兩幹高丈許復合於一至末分兩幹五枝  
張根饒州德興人徽宗時以朝散大夫終于家性至孝父

病蠱戒塩根爲食淡母嗜河豚及鱗母終根不復食母  
方病每至雞鳴少蘇後不忍聞雞鳴

楊慶郵人父病貧不能召醫乃剗股肉啖之後母病不能  
食慶取右乳焚之以灰和藥進焉入口遂瘥久之乳復  
生宣和三年守樓鼻名其坊曰崇孝

苟與齡字壽隆滁州來安人事其親生養死葬力竭而禮  
盡鄉黨稱之母歿廬墓側有芝十九莖生於墓亭郡縣  
以事聞宣和中下詔旌表

苟允中中江人葬父自培其墓三年有虎豹馴擾其旁醴  
泉湧其下

趙伯深字逢原父曰子涸宣和間爲棧州兵官屬奉檄往

塞上伯深與母獨居棘屬金兵渡河母子相失伯深訪求二十餘年入滇至瀘南得之母子相持號泣哀感行路曾慥賦詩美之

張琪莘人靖康中有賊掠村琪負母而逃賊欲害之一賊曰此孝子也遂得免

王珠龍泉人以孝謹聞建炎間居父喪廬墓芝生數本枯竹生柯葉紹興間再罹母喪廬墓有瑞竹靈芝之應王大臨吉水人建炎中胡馬南牧父被虜大臨年十二三號跌從行盜欲兵其父抱持號哭請代盜義而免之

汪與成銅陵人一家百餘人盡斃于建炎之難獨遺與成後三年改葬其父念母形骸不存刻木肖形侍養十年

而後附葬

申世宰鉛山人紹興六年潘達六襲鉛山父愈未及出戶遇賊欲殺之世宰年未冠引頸願代賊感其孝兩全之李彭年紹興進士嘗割股愈親病歿感慕不已蔬食終身事聞旌表

楊芾吉水人奉酒肉事親未嘗及妻子紹興中負米百里外遇盜奪之不與欲加兵芾哀哭曰吾爲親負米不食三日矣賊義而釋之

李儼甫鄱陽人母疾籲天刲股疾亟鑿肝以進母疾頓蘇紹興間表之曰孝子李儼甫之門

王進慶澄邁人性至孝紹興間其母陳氏病瞽而

進慶刲股爲粥以奉母疾愈瞽目復明

程俊徽州宜陽社人幼歲父母陷于夏國號泣自毀幾不能生後爲中大夫康州防禦使權鈐轄隴右都護悉指家財數十萬以贖父母西鄉號泣祈禱飲食幾廢夏人感動遂歸其母邵氏旣歸日夕侍奉承顏色紹興十年旌表門閭又事族兄恭謹諸弟友愛後收養母邵氏族黨百餘口服食器用與已同焉

楊富老麗水人七歲喪父廬墓三年不返感烏鵲來巢木生連理之異紹興中太守葉顒延入都學奏於朝詔賜粟帛錄付國史

劉子翬字彥冲崇安人父齡死靖康之難痛憤哭墳三年

事繼母及兄子羽盡孝友

郭義字處仁莆田人客錢塘開母喪徒跣歸每一慟輒嘔血及葬廬于墳傍甘露降白鵲馴集有司上其事紹興十三年旌其閭

詹惠明婺源人紹興中父直坐殺人當死惠明乞以身代不許乃齧斷指取艾灼頂辭旨甚哀太守曾開奏聞詔減父死而釋之因名其所居爲孝弟里

胡師徐字宗武崇安人紹興中第進士幼失怙事母盡孝朱文公亦稱其操行母喪廬墓三年

虞允文字彬甫隆州仁壽人天性至孝丁母憂哀毀骨立旣葬朝夕哭墓側念父之鰥且疾七年不調跣步



離左右父死喪葬盡禮

李彭年廣德人紹興中進士以二親沒于兵蔬食終身郡守洪興祖聞于朝詔旌表其門號孝里

李植字元直泗州臨淮人事親以孝稱秦檜當國植丐祠奉親竭力以奉甘旨恪恭于職務得親惟檜死方有意大用以母老固辭願便養除知桂陽軍丁母憂歸悲哀毀廬墓有白鷺朱草之祥

岳飛字鵬舉相州湯陰人性至孝高宗時爲將母在河北遣人求訪迎歸母有痼疾藥餌必親及卒水漿不入口者三日扶襯還葬累詔起復飛連表乞終喪廬母墓側哀毀過人

陳亨運字俊民仙遊人父母繼歿廬墓三年常倚墓木而哭木爲之枯縣令餽粟帛以旌其孝乾道間詔舉孝廉李宗質字文叔先濮州人文定公迪裔母展氏罹靖康亂相失者十餘年宗質求之不已行次江州水南市中得之遂奉以還居鄆之石塘色養者二十餘年樓鑰銘其墓楊萬里爲之傳

張超定海人年十九父塋患氣疾韋懇禱無效乃刲脅取肝煮粥以進不踰日父愈軋道四年守趙伯圭命縣優恤嘉泰四年令葛洪復其家封殖其父母墓禁樵採焉吳璿定海人母宋氏卧疾璿刲股療之而愈妻楊氏亦遭疾子安時皆刲股以愈嘉定三年建崇孝門旌之

袁鎮奉化人端平初父年七十病羸刲股和藥愈之父病  
垂絕復存者十有五年

江文卿永新人端平間其母病革不可療文卿刲股和藥  
進之病遂愈詔表其門

張茂馮忠俱上高人端平嘉熙間父母病篤皆刲股以進  
遂愈同郡又有割股救父者李德勝聶汝清黃顯吳應  
發盧十一仇大任晏十二救母者王文旺吳仲三雷大  
年劉信伯戈廷秀

張興渭德化人性至孝母楊氏病篤累百藥勿効興渭窮  
迫即額天欲割肝以進旣而母疾立愈淳祐六年有司  
奏表其門

王仲友武寧人淳祐七年父文才病劇割股作肉糜以進疾遂愈有司爲書篤孝之門

張季和上猶人咸淳間割股救父時稱孝子

東崇芳丹陽人德祐時北兵俘其父國寶崇芳詣軍門號泣請代父于是釋國寶留崇芳久之憫其孝思縱之歸父子皆得免

歐陽守道字公權吉水人少孤貧里人聘爲弟子師食舍肉主人憫知其遺母爲別設一器馳送乃肯食肉隣兒無不感動兄嫂俱早世一姪年五歲一姪生甫數月守道時未有室無能乳哺日夜抱二子泣里巷憐之

鮑壽孫字子壽徽州歙人宋末盜起里中壽孫與父宗巖

避地山谷間父爲賊所得束縛樹上將殺之壽孫拜前  
願代父死宗巖曰吾老矣僅一子若見殺宗祠絕矣吾  
寧自死賊兩釋之

夏侯訢字長况寧陵人侍母疾衣不解帶者二年母憐其  
苦令出便寢息訢方假寐忽夢其父告之曰汝母疾沉  
痼非凡藥可愈天帝憐汝至孝賜以仙藥在居室後桑  
枝上訢忽驚起如所言得藥進之母病頓瘳

高登字彥先漳浦人事母至孝嘗行至封康間方念無以  
奉晨膳忽有白魚躍於前母疾思康肉忽虎啣一鹿置  
門而去母食肉病遂愈

顧忻泰興人十歲喪父以母病葷辛不入口者十載每雞

初鳴具冠帶率妻子詣母室問所欲如此者五十年母目不能視物忻日夜號泣祈天母目忽明

李瓊杭州仁和人幼失父家貧至孝於母後稍豐厚孝心益堅娶妻有子移居母室夜常十餘起母諭之曰汝年來筋力頗憊盍求婢以給侍我瓊曰凡母之所欲不親經手意如有失耳凡市人知瓊之孝者物新出必先求以奉瓊瓊必倍酬其價或問之曰異誘其甘滑以奉母豈議價乎涪州人張用聞其至孝因遷與隣居

羅避雱都人父卒負土爲墳廬其墓蔬食飲水三年縣令劉藻躬造問之

吳二臨川水東小民事母至孝一夕忽夢人言明年當震

死吳以老母在堂求救護不得又恐驚其母侵晨具膳以進白母暫詣妹家母不許俄黑雲起日中天地晦暝雷聲闐然吳益慮驚母輒閉戶自出野田待罰頃之雲開吳亦免禍亟歸拊其母是夜復夢以至孝感天已宥宿惡宜加敬事自是孝養其母終身

朱泰湖州武康人家貧鬻薪養母常適數十里外易甘旨以奉母一日入山遇虎負之而去泰已瞑眩行百餘步忽稍醒厲聲曰虎爲暴食我所恨母無託耳虎棄泰於地疾走不顧如人驅狀泰匍匐歸母持之泣泰亦強舉動不踰月如故鄉里聞其孝感率以金帛遺之目爲朱虎殘

劉深館陶人有孝行母值沉疴割左股爲羹以餽母即愈  
郭居敬尤溪人性至孝事親左右承順得其歡心嘗掖廩  
殍而下二十四人孝行之槩序而詩之名二十四孝詩  
以訓童蒙

支漸資州資陽人事父母至孝年七十持母喪負土成墳  
廬於墓側蓬首垢面三時號泣哀毀瘠甚有白兔白狸  
馴擾其旁白雀白鳥日集墓木回翔悲鳴若助哀者鄉  
人句文鼎自娶婦後與父離居覩漸孝行深自悔責號  
慟而歸孝養盡志鄉閭觀感而化者甚衆

鄒致新昌人事母篤孝母死廬墓有芝五色產焉

沈麟性至孝父死廬墓感慈鳥集廬之異



曾肅泰和人性純孝居父喪廬墓側有慈鳥來巢之樣子  
安止安中安強皆登科第有節行

鄒異長樂人親終廬墓凡六年有甘露芝草之瑞

許知言閩人兄逢言弟知白知什知億母病知言兄弟昕  
夕不離側越三月藥弗効知言乃齋戒籲天割股肉烹  
調以進母病遂愈年七十卒知言兄弟哀毀踰禮俱燃  
香于臂以資冥福

林公遇字養正閩人性孝謹初以父蔭補寧化尉不忍舍  
朝夕養乞奉南岳祠弟養直亦有至性母歿養直兄弟  
懼戚其父服勤左右跣步不離每夜閉燭盡不忍退

上官怡字友先閩人母年高羸疾方暑晨夕侍側驅蚊納

不寢逾月居憂極哀毀二兄繼歿奉嫂撫孤敬愛兼至  
史本鄱陽人性至孝父歿廬墓悲號有芝草之瑞

姜峒樂平人性至孝庭生連理木刺史帑頌署曰姜峒行  
孝有聞兄弟兼美陶我王化毓此休祥

王凱字和中晉江人事父母篤孝居喪廬墓三年不忍去  
與其弟相友未嘗一日離

黃槃字平叔龍溪人父忠助遭疾傾貲求醫或言不爲子  
孫計槃泣曰苟疾愈雖子孫饑餓我亦無憾父年九十  
六母鄭氏年九十九父將卒曰爲人子者如爾甚少吾  
願爲爾子以報言畢而卒後槃妻有娠將彌月夢其舅  
曰吾某月日某時爲爾子及期生子彥臣官至朝散大

夫封槩承議郎賜緋累贈朝散郎

徐定豐城人性至孝父國會卒廬墓三年晝夜不絕哭有紅紫牡丹忽變爲白號大孝子定于義未弱冠居父喪足不履房閨寢于墓號少孝子曾孫傳霖事親孝謹人謂徐氏世襲孝子

過昱豐城人母早卒刻木爲像早暮飲食必以進愈又愈虔考古人勉于孝者類成三十卷號至孝通神集

丁天錫如臯人事母克盡愛敬盜忽入其家以刀脅母索財天錫勇往爭之曰寧殺我所有任取之勿驚吾母盜因感動曰天道不殺孝子遂捨去

吳汝明揚子人志興之子性至孝嘗割股療母疾有靈芝

生堂側開禧中虜入境他室廬皆焚蕩汝明室獨存嘉  
定中旌其門

張汝明廬陵人事親孝執喪水漿不入口三日病羸疾行  
步輒踣夢父諭以服天南星法用之果驗人以爲孝感  
柯應烈建德人性孝母間氏病不解衣侍湯藥癰瘡盡瘁  
每夕露禱戒筭以益母壽空中有聲特延一紀後果如  
數

羅棠新喻人性至孝母病篤剔肝以救剝腹未寸許及摧  
折母病亦瘥

查道歛人性至孝母病思鰕羹市無鬻者道泣禱于河得  
之母疾遂愈初應試貧不能就道親舊贈錢三萬遇父

友呂翁將鬻女營葬盡與之且嫁其女

蔡定字元應會稽人父革坐法被繫時年七十餘矣法當免繫胥削其年籍而入之罪定詣府請代弗許仰天呼曰父老而刑定生何益自赴河而死府帥聞之驚曰真孝子也立命出革厚爲定具棺殮而撫周其家

章瑤丹徒人事親盡孝母亡思慕切至墓上枯竹復生鍾伯龍南人性至孝喪母盡哀有群鳥鳴于墓人名其廬曰感鳥堂

陳宗末嘉人年十六母蔡氏病篤刲股爲餌病愈已復病不救宗一慟而絕郡守陸德輿云陳宗自毀其體哀慟傷生雖非孝道之正而能爲人所難爲之事亦天性之

至爲合葬榜曰陳孝子墓

黃觀象江夏人家于賢興居喪哀毀廬墓六年墓側產芝  
詔賜粟帛蠲其役旌之

伍端厚安福人事父母以孝著部使者聞於朝賜號孝節  
處士

祁晞字坦之膠水人性孝母卒廬于墓旦夕悲號經隆冬  
墮足二指有白烏白兔馴擾之異詔賜粟帛

寧從龍浮梁人事親以色養母疾嘗到股事聞授徵仕郎  
以旌其孝

熊仁瞻建昌人爲宜春令居父母喪廬于墓側有慈烏來  
翔事聞詔旌其門

續文獻通考

卷之七十一

上官超光澤人性純孝母病篤剝左脇取肝飼母已而母愈縣令張碩名其門曰孝感

薛半千字子中漳浦人天性孝友母疾嘗藥視膳衣不解帶疾轉劇乃割股肉以進其伯兄亦嘗鑄心血以調藥仲兄復焚香干頂以資冥福母疾隨愈兄弟三人日侍親側雍雍愉愉鄉里推重縣令林稽道因即所居立孝義坊以旌之

張以中甌寧人仕至都提舉生事既盡孝及父歿訃至哀毀踰禮自以親老在堂宦遊于外且有厚祿生不能爲養死不得就殮遂不食哭死道中詔旌表其門曰純孝之家

檀念二母章氏病幾絕念二刺脛取髓食母母遂愈王希  
呂上其事詔付史館仍令有司優給

李維成河南人母卒負土成墳晝夜哭不絕聲郡守上其  
事詔旌門廬賜以粟帛

楊祥事親盡孝親亡哀毀泣盡繼以血廬墓終身有白芝  
白鳥白兔之瑞事聞褒封至孝公植坊墓道以旌之

江白南城人爲鄆縣尉父卒罷還負土營葬廬于墓側有  
甘露之異事聞賜粟帛

孔旼字寧極孔子四十六代孫隱居汝州汝陽城事親至  
孝葬其父廬墓三年卧破棺中日食米一盞壁間生紫  
芝數十本州以行義聞特賜旌表



杜誼字漢臣台州黃巖人事父母至孝父剛嚴誼獨失愛  
惴不自容伺顏色而後進繼喪父母號慟晝夜不絕勺  
水不入口者累日卜葬徒跣負土爲墳往來十餘里日  
渡塘澗雖大雨雪未嘗少止手足皸裂每覆一畚必三  
繞墳號而後去旣葬遂舍墓傍一飯不葷雖虎狼交於  
墓側誼無所畏

嚴冕溧水人舉武舉進士授學諭時元兵渡江冕負母避  
之道遇兵欲刃其母冕挺以身蔽爲兵所傷斃吳草廬  
澄嘗哀以詩

潘祺溧陽人性至孝好學尚氣節父疾篤焚香額天請以  
身代後果愈會謂誠孝所感

許遂宣城人早喪父事母以孝聞里人每勵其子輒曰汝獨不慚許伯通乎伯通遂字也

張恪金壇人居母喪祥禴逾年猶不御酒肉有甘露白鵲之祥

孫之翰字文舉慈谿人母病刲體取肝爲粥以進病遂愈郡守趙伯圭將聞于朝翰曰本心救母非爲他也止之張子英建寧人幼孤侍母王氏獨居宋季盜賊擾攘妻子俱被擄子英負母外避備經險阻後居寓黃溪傭書爲養母常思婦孫寢食不安子英跪曰但得母安妻子可復返賊退奉母歸故里妻子亦果得還

馮順德建寧人早喪父奉母王氏至孝飲食必親供時遭

亂離負母逃于山谷孝敬不替母病順德或終夜不寢  
勵志學醫親調藥物母病遂愈

吳順焚道人累官爲永昌太守性至孝有赤烏集其門人  
以爲孝感

徐膺字思文莆田人七歲喪父朝夕孺慕若成人母歿哀  
跣骨立卜兆于虎嘯巖廬其傍蔬食三年時陟巖巔哀  
號聲震原野虎爲遁去墳左有坑塹深數十丈一夕山  
有聲如雷翼旦視之平地矣

劉潛定陶人知蓬萊縣過渾州聞母疾亟歸母死一慟遂  
絕其妻哭潛亦死時人傷之曰子死于孝妻死于義  
羅威番禺人事母至孝遇寒必先以身溫席母歿盡哀有

白鹿止其墓側

劉孝誠富順人親喪廬墓有芝草之異李見紀其行于學之雁塔同邑又有李夔既葬父母廬有白虎白鳥馴擾之祥

王震文登人母患風疾割股以進病遂愈母歿哀毀踰禮日翳服除不藥而愈人以爲孝感事聞賜同進士出身詔尚書省擬注職任

徐初華亭人早喪母父信後母譏初事之益恭父暑月病疽穢惡流衽席初身自浣滌不解帶者經月父乃悟曰汝吾孝子也後母子享少鍾愛長不以兄事初初愛之不衰聞者莫不高其孝友

趙善應字彥遠餘于人宗室子也性純孝親病嘗刺血和藥以進母畏雷每聞雷則披衣走其所嘗寒夜遠歸恐驚其母不敢叩門露立達明母喪哭泣嘔血瘠毀終日俯首樞傍聞雷猶起側立垂涕生朝必哭于廟父終肺疾每膳不忍以諸肺爲羞母生歲值卯謂卯兔神也終身不食兔家貧諸弟未製衣不敢製已製未服不敢服一瓜果之微必相待共嘗之

金景文蘭谿人親歿廬墓夜有五色光焰爛然射墓上人以爲孝感所致咸淳間知縣沈應龍請于朝立碑建祠于學

續文獻通考卷之七十一終